

COMUNICATO n. 873 del 29/03/2023

Traduzione in ladino

# Vegn metù endò a jir l'Euregio Sport Camp: la Otava edizion dai 15 ai 22 de messèl te la Val Venosta

Joegn atlec e joena atletes nasciui del 2009, 2010 e 2011, co na preparazion fisica adatèda, i pel endò se dèr ju a fèr chel che ge sà bel. Per l'otaf an de seghit, la ocajon la ge vegnarà sporta dal Euregio Sport Camp. La scomenzadiva ge dajarà l met a 60 joegn del Euregio Tirol-Trentin-Sudtirolo de tor pèrt a na setemèna piena de ativitàdes, de gra al endrez dessema di Ofizies Sport di trei raions del Euregio. L'edizion de chest an la vegnarà endrezèda dai 15 ai 22 de messèl tel liceo sportif de Malles, te la Val Venosta. La enscinuazions les pel vegnir fates demò online, a scomenzèr da les 10 da doman dai 27 de mèrz e enscin a canche sarà post, sul sit del Euregio: [www.euoparegion.info/sportcamp](http://www.euoparegion.info/sportcamp)

## Sport, jeghes e spas endèna la scomenzadiva per l sport del Euregio

La ativitàdes de sport de chesta edizion les vegnarà metudes a jir a Malles, te la Val Venosta, te la Scola mesèna "Claudia de Medici". Chi che tolarà pèrt arà a la leta n program de più sorts che l ge dajarà l met de se dèr ju te disciplines individuèles o de grop desche l'atletica lijiera, l orienteering, l nodèr, la canoa e ence l balon, l beach volley, l spike ball, l street racket, l slakeline e autra ativitàdes de grop. L program de la setemèna l perveit, ence, **raides** e **workshop** interatives con esperc de desvalives setores del sport. Arcedadores de marelenga talièna e todescia didarà i joegn a passèr via la dificoltàdes linguistiches, se n fossa, e a miorèr sia cognoscenzes te la comunicazion.

## L endrez

Chi che tol pèrt stajarà tel colege **Viso Malserhof** a Malles. La quota de partezipazion la é de € 150,00 euro e la tol ite la soravèrda, i bès, l logament e duta la ativitàdes pervedudes tel program. Do che l é stat fat la enscinuazion no se podarà ciapèr de retorn la refonuda de la speises abudes. La ativitàdes de sport les sarà bilinguales, la ativitàdes individuèles les podarà vegnir metudes a jir da personal calificà per lengaz de marelenga di partezipanc.

## Enscinuazions da les 10.00 da doman dai 27 de mèrz del 2023

Se podarà se enscinuèr a la setemèna del sport demò online, con scomenz da les 10.00 da doman dai **27 de mèrz del 2023**. L'amiscion la vegnarà fata aldò del orden de canche rua ite la domanes e enscin a canche sarà post. Per ogne raion geografich vegnarà enjignà na lista de spet. Autra informazions sarà possibol les lejer su la direzion [www.euoparegion.info/sportcamp](http://www.euoparegion.info/sportcamp).

Traduzion di Servijes Linguistics e Culturèl del Comun general de Fascia

(cdt)